



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1740. usque ad annum 1742

Fleury, Claude

Augustæ Vindelicorum, 1787

VD18 90119649

§. 5. Jurisdictionis Ecclesiasticæ usurpatio Regiis edictis suppressa.

[urn:nbn:de:hbz:466:1-67882](https://nbn-resolving.org/urn:nbn:de:hbz:466:1-67882)

Sæc. XVIII. „buntur, si id nostri fæderis bonum ac
A. C. 1740. „necessitas postulaverit.

§. V.

Jurisdictionis Ecclesiasticæ usurpationis Regiis edictis suppressa.

Nunquam Ecclesia Gallicana concubionibus magis periculosis agitata fuit, quam dum temerarios Jansenianæ sectæ ausus ipsa Parlamenti auctoritas pro aris & focis fulcire adlaborabat. Tum enimvero omnia sus deque miscerentur, & dum potestas Ecclesiastica suos limites transiisse falcemque in alienam messem immisisse incusabatur, vicissim Laica potestas ad Sanctuarium profanas manus iniicere haud reformidabat, ad id eidem ac præcipuis Parlamento Parisiensi portam aperientibus ipsis Ecclesiasticis; horum enim non pauci, & quod pudendum est, etiam Episcopi, cum supremo Pastore ejusque voci obedire ac sese subicere recusabant, ut contra Apostolicam Ecclesiæ severitatem se suæque sectæ monstra in tuto collocarent, ad ipsum Parlamenti tribunal supplices advolabant, hacque agendi ratione, ipsoque facto suasque causas laico huic Senatui subjecerunt, ac ita in laico Tribunali jurisdictionis

dictionem in Ecclesiasticos tacite agno-
 vere. Nec otiose hoc præpostero in-
 dulto Parlamentum potiri voluit; mox
 enim, quippe jam illo ævo jurisdic-
 tionis imperium latius præsertim in res,
 Personas & causas Ecclesiasticas pro-
 tendere, ingens erat illecebra, quos-
 cunque ab Ecclesiæ sententia appellan-
 tes expansis ulnis excepit, & cum hos-
 ce Ecclesiasticos de *abusu* laicæ potesta-
 tis jure redarguere posset, illos tan-
 quam appellantes *ab abusu* jurisdictionis
 Ecclesiasticæ commendavit, fovit, pro-
 textit; nec hic stetit usurpationis corru-
 ptela; semel enim impune tentato ad
 Ecclesiasticorum causas gressu, Parla-
 mentum pro vindicanda refractariorum
 multitudine sibi jus soli Ecclesiæ pro-
 prium arrogavit, & de ipsa Sacramen-
 torum administratione cognoscendi, ac
 judicandi potestatem sibi attribuit, non
 tamen sine omni mordentis conscien-
 tiæ convitio; ut ergo Parlamenti Pa-
 tres usurpatæ jurisdictionis calumniam
 declinarent, aiebant se nullatenus interi-
 orem Sacramentorum administrationem,
 utpote quæ sine controversia res sacra es-
 set, sed duntaxat in externam seu ma-
 terialem jus sibi vindicare, perinde ac si
 ulla Sacramentorum administratio ex-
 cogitari posset, quæ non simul ac essen-
 tialiter externa esset. Nihilominus tam

Sæc. XVIII.
 A. C. 1740.

Synops. a. f.
Cler. Gall. V.
Sacram.

Sæc. XVIII.
A. C. 1740.

frivolæ distinctionis fulcro subnixi de materia cum essentia Religionis arctissime conjuncta cognoscendi auctoritatem sibi attribuerunt. Quid enim in Religione vera ad res sacras proximius accedit, quam ipsa Sacramentorum administratio, a primo fundatæ fidei momento Ecclesiæ Ministris ac Judicibus reservata? Ipse Deus jam in veteri fœdere de lepra cognoscendi jus & leprosos a castris Israel excludendi vel admittendi judicium solis Levitis eorumque ministerio adjudicavit. Et quis credat? novissime in hoc sæculo Catholici ac Regii Senatus Patres & quidem Laici, quod ante Jansenistarum motus contra Sedis Apostolicæ definitionem concitatos abhorruissent, nunc audacter dijudicant, pronuntiant, & definiunt, in quibus casibus Sacramenta Parochianis administranda sint. Quis imo ipsos etiam legitimos animarum Pastores arrogata sua auctoritate, ahibitis minis & pœnis compellunt, ut palam indignis, obstinatis, ac in sua rebellionem notorie obduratis adorandum Christi Corpus & Sanguinem, non sine maxima Catholicorum offensione & Calvinistarum ludibrio ac triumpho administrent. Et ad hanc sacrilegam usurpationem ac violentiam ipsa etiam sibi a Rege Christianissimo concessa

Magi
fr

stratus auctoritate abutebantur, quod Sæc. XVIII.
 sane sanguineis lacrymis deplorabant A. C. 1740.
 prohi Franciæ Præsules, qui cum ex
 Parlamenti decretis manifeste intelligen-
 rent, non modo pretiosum sacræ pote-
 statis depositum sibi per vim eripi, sed
 etiam suos Ministros sanctum dare ca-
 nibus compelli, querulas voces & ma-
 nus contra hosce usurpatores ad ipsum
 sacratissimum Regis tanquam Ecclesiæ
 Advocati solium extenderunt. Horum
 primus erat Aurelianensis Episcopus,
 quem facti indignitas ad hunc recursum
 adegit. Res ita contigit.

Jam anno hujus sæculi trigesimo
 primo die decima tertia Aprilis Aure-
 lianensis Parochus ad S. Catharinam a
 quodam Viro nomine Dupleix vocaba-
 tur, ut infirmæ ejus conjugi Sacramen-
 ta salutis propinaret: ad nutum com-
 paret ille, solatur afflictam, eamque
 de animæ suæ statu paterne admonet:
 brevi tamen ex ægrotantis declaratione
 agnoscit, eam non modo a Constitutio-
 ne, quæ pro Ecclesiæ ac Regni lege to-
 ties recepta erat, appellasse, sed insu-
 per pertinaciter interpositæ appellationi
 suæ inhærere, nec ullis rationum mo-
 mentis ad debitam submissionem fle-
 cti posse. Igitur huic Sacramentum
 porrigere, conscientiæ sibi duxit, &
 admi-

Sæc. XVIII
A. C. 1740

administrationem omnino differendam esse censuit. Mox Maritus a Crimali fori Præfectum causam desert: hinc contra hunc Parochum iudicii acta instruuntur: vicissim vero causæ Ecclesiasticæ Judex, quem Galli *Promotorem* vocant, hoc negotium ad Episcopale forum revocat: quo factò Episcopus præcepit, ut infirma ad iudicium vocaretur: ea vero nec per se nec per alium comparente, ex Episcopali Curia demum decretum emanavit, vi cuius Parochus injunctum, ut paternis suis monitis infirmam rursus ad saniora reducere nitetur, ac tandem ad Sacramenta dignè recipienda disponeret. Interim venientes ad preces Mariti ac suæ Conjugis decima octava Aprilis Parlamentum dictum evulgavit, quo ambo tanquam appellantes ab abusu contra primam Episcopi sententiam fuere admissi, & omnino prohibitum, ne Episcopale decretum executioni daretur: quoniam veniens Maritus in suo libello supplici infirmam Sacramenta administrari petit, hinc quod pejus erat, a Parlamento injunctum est, ut supplices ea ab ipso Aurelianensi Episcopo peterent. Obteniente hac Parlamenti sententia Maritus Episcopum accessit, a quo tamen saum bellum supplicem Promotori exhibere jussus est: altera autem die Aurelianensis

Sæc. XVIII.
A. C. 1740.

nensis Episcopus decretum suum edidit, quo Paracho ad S. Catharinam injunctum, ut ab infirma vocatus, & de ejus submissione erga Ecclesiæ leges certior factus, confestim eidem Sacramenta administret. Verum ejusdem Mensis die vigesima octava Duplex O-
 rator a Parlamento aliud obtinuit decretum, quo declaratum, quod tam ipse quam ejus conjux jure appellaverint a revocationis sententia per Promotorem lata, necnon ab Episcopalis Curia sententiis, & Episcopi decretis: quinimo circa administrationem Sacramentorum Parlamentum juxta priorem suam die decima octava Aprilis pronuntiatam sententiam præcepit, ut Appellantes Aurelianensem Episcopum convenirent simul etiam Parlamenti Senatores suo Episcopo (scilicet oves Pastori) injunxerunt, ut quantum in ipso esset, invigilaret, ne in sua Diœcesi, quo Ecclesiæ statusque tranquillitas turbari posset, quicquam attentaret, præsertim vero totis viribus impediret, ne Sacerdotum quispiam in Sacramentorum administratione ullam declarationem exigat circa Constitutionem *Unigenitus*. Hoc Laici Magistratus interdictum & quidem circa rem mere sacram Episcopum compulit, ut Ludovicum Franciæ Regem adiret, ut Ludovicum Franciæ Regem adiret, supplex, quatenus utrumque hoc Parlamenti
 lamenti

Sæc. XVIII.

A. C. 1740.

lamenti decretum irritare vellet. Æ-
quis hujus Præfulis precibus propositis
 que Ejusdem rationibus expugnatus
 Rex die vigesima sexta Maii sacratoris
 sui Senatus edicto Episcopi postulata ad
 Commissarios remitti jussit, ut relatio-
 ne ab eis facta, quod æquum esset, Rex
 decerneret.

Paucis post diebus omnino similis
 controversia contra eundem Parochum
 a Castillonia Nobili Matrona fuit mota,
 res ita se habuit. Hæc mulier quere-
 las suas ad Præfecturæ Rectores defert,
 qui ejus precibus anuunt, ac in re-
 statum inquirunt: confestim igitur tam
 Parochus quam Episcopus in jus vo-
 catur. Episcopus vero, priusquam
 hujus causæ conditio per Parliamenti
 violentias pejor fieret, ad Regem sup-
 plex recurrit, a quo etiam die vige-
 sima prima Junii sanctioris sui Consilii
 decretum obtinuit, vi cujus Regia sui
 Majestas Episcopi libellum supplicem ad
 eosdem Commissarios in nupero decre-
 to nominatos remisit, eo fine, ut de toto
 hoc negotio suum judicium ferrent.
 Percepta tandem horum relatione Rex
 sententiam die sexta Julii pronuntiavit,
 vi cujus Parliamenti decretum die vige-
 sima octava Aprilis emanatum tanquam
 irritum atque nullum ea ex parte declaratum

ratum est, qua Parliamentum in materia spirituali ac Sacramentorum Episcopo Aurelianensi quicquam præcipere præsumpsit: eadem quoque sententia Rex ad se suumque Consilium has causas apud Parliamentum pendentes, proin decreta in eodem foro die decima octava & vigesima octava Aprilis condita, sicut & querulas preces & inquisitionem ad præfatæ Nobilis Castelloniæ petitionem coram Criminalium Prætoze contra Parochum factam evocavit: quod etiam dein effectui datum est.

Verum Regis hæc edicta, quantumvis veris Ecclesiæ Legibus omnino consona essent, nondum tamen laicos Judices etiam inferiores refrænare poterant, quo minus in Sanctuarium involarent, & contra Sacerdotes edicta conderent, quinimo eo temeritatis prolapsi sunt, ut propria auctoritate sibi nequiter attributa Presbyteros constituerent, qui suæ factionis ægrotantibus Sacramenta administrarent, incassum reclamantibus Episcopis ac Parochis, cum ergo ejusmodi attentata Divinæ institutioni, Hieracchiæ Ecclesiasticæ, S. Canonibus, cunctisque Ecclesiæ legibus adversarentur, Rex proprio motu per suum sanctius Consilium anno Christi millesimo septingentesimo trigesimo nono horum

Sæc. XVIII.
A. C. 1740.

Sæc. XVIII. rum Judicum usurpationem per duo de
 A. C. 1740. creta repressit.

Primi decreti occasio erat hæc: Bajocensis Præfectus dicti anni die vigesima prima Aprilis contra præfate urbis Parochum ad S. Salvatorem mandatum edidit, vi cuius Parochus Regium Procuratorem, qui ob suam infirmitatem in hujus Præfecti ædibus hærebat, tempore Paschali Sacramenta administrare, quamprimum requireretur, jussus erat, secus si parere renueret, in dicti Præfecti curia compareret, suæ renitentia rationem causamque redditurus, Attamen Rex totam hujus facti seriem edoctus, die vigesima septima Maii sui Senatus edicto Præfecti mandatum irritum, nulliusque valoris esse declaravit, simulque huic Præfecto, & ceteris omnibus laicis Judicibus severis & sub pæna suspensionis, aliisque pænis severioribus ad terrorem aliorum infligendis ejusmodi mandata deinceps condere inhibuit, jussitque, ut Regium hoc edictum exacte descriptum ad Præfecturæ acta reponatur.

Vid. supra
tom. 26. p.
275.

Alterum Regis edictum extorsit te-
 meritas Boularti Criminalium Præfecti
 & in Sennonensi Diœcesi Villænove
 Regiæ Prætoris, qui pariter die vige-
 sima quinta Augusti præfate anno man-
 datum

datum edidit, quo cum loci Parochus Sæc. XVIII.
 Houffetæ Virgini periculose decumbenti A. C. 1740.
 Sacramenta administrare denegaret,
 propria sua auctoritate vicini suburbii
 Parocho in mandatis dedit, ut prædi-
 ctam fæminam Sacramentis morien-
 tium muniret. Verum hoc attentatum
 quantocius Rex motu proprio per Con-
 siliarii sui decretum die octava Septem-
 bris emanatum repressit, & Prætoris
 mandatum, utpote ab incompetente
 Judice ac foro datum, tanquam impium
 attentatum adversus jura sacræ juris-
 dictionis, penitus irritum nullumque
 declaravit, dictumque Præfectum per
 trimestre omnibus officii sui functioni-
 bus, interdixit.

Eodem anno supremus Aurelianen-
 sis Præfecturæ Prætor plura condidit
 decreta, quibus indicta etiam tempora-
 lium honorum privatione Capitulum
 Cathedrale compellere attentabat, ut
 Sellierio ejusdem Ecclesiæ Canonic oad-
 mortem decumbenti Sacramenta admi-
 nistraret: huic vero mandato, cum a
 judice incompetente emanasset, Capi-
 tulum morem gerere constanter recusa-
 vit, quapropter vi prioris edicti a præ-
 fato Prætoe promulgati omnes Capi-
 tuli redditus intercipiuntur. Attamen
 Aurelianensis Episcopus Capituli sui ju-
 ra

Sæc. XVIII.
A. C. 1740.

ra defensus, juncta opera a præfatis edictis omnibusque inde secuturis utpote a Judice incompetente attentati provocavit. Comperta hac appellatione Selliera Canonici Neptis ad Parisiense Parlamentum recurrit, quod etiam ejus appellationem tanquam ab abusu propter Capituli provocationem interpositam recepit. Ast Franciæ Rex die decima tertia Novembris per secretionem sui Senatus sententiam appellationis tam simplices quam ab abusu interpositas & apud Parisiense Parlamentum pendentes ad se evocavit, moxque altera sententia die decima octava Martii anno Christi millesimo septingentesimo quadragesimo interim occupata præfati Capituli bona a sequestro liberari restitui præcepit, & Prætori sub præfatis pro merito culpæ infligendis inhibitione deinceps ejusmodi edicta condempnari præsumeret. Quomodo autem idem Religiosissimus Rex hac in causa die sexta Septembris mentem suam declaravit, jam supra retulimus.

§. VI.

*Levis contentio inter Papæ Nuntium
& Coloniensem Magistratum.*

Jam per plures annos dissensio inter Curiam Romanam & Coloniensem